



DEO OPTIMO MAX.

UNI ET TRINO,

VIRGINI DEI-PARÆ, ET S. LUCÆ,

Orthodoxorum Medicorum Patrono.

QUÆSTIO MEDICO-CHIRURGICA,

QUOD LIBETARIIS DISPUTATIONIBUS;

*manè discutienda, in Scholis Medicorum, die Martis decimâ
mensis Martii, anno Domini M. DCC. LXXVIII.*

M. HENRICO-JOANNE BAGET,

Doctore Medico, Præfide.

An recenti vulnere nudatis ossibus, Exfoliatio? ×

I.



OS fuit, nondum ita antiquus, vix antiquatus vulnera quò majora
eò diuturniori committere suppurationi; antequàm spontè (id enim
sola facit natura, modò non impedita) coalescere sinerentur. Erro-
rem (artis-ne dicam an artificis?) correxit sagax experientia. Ossium
quàm carnum fortuna tunc temporis non melior. Si altius adacto vul-
nere videndam se fortè præbuerat pars ossis aliquanta, non nisi visæ portiunculæ
ossis excidio piandum nefas, Quod voluere patres, volumus nos quoque;

× Cette thèse devant être immédiatement précédée de celle de Marinier.
"An maximum canis ferre tutior quam canis est ablatio"
(A. Commens. de Varnis. p. 13) qui exerce d'ailleurs à son rang sans
à Venise vol. de la Coll. de la Bibliothèque de la Faculté de Médecine de Paris.

obtinemus ratione diversâ. Nolumus (ut illi nolunt) partem adulteratam præmaturâ obducere cicatrice. Hostem intus fuscipere insanum foret. Constat igitur inter illos & nos, tunc tantum esse promovendam ossium Exfoliationem ubi aliquid vitii contraxerint.

I I.

EX verò carnearum fibrarum & ossium conditio non dispar. Illæ, si sphacelò contaminatæ, ferro quantum potis est ocyus abscindendæ. Sic hæ, si carie mortiferâ adulerentur, in Medicinâ quis hospes adeo qui neget illicò ferendam opem radulâ (igne si siverit locus) Balsamicis, Antisepticis vulnere leviter applicitis, fomentis resolventibus, spirituosis exterius admotis; ac præsertim longâ & patienti morâ, si inter tendones, aponevroses, & contignationes osseas clam serpereprehendatur cariola lues? His enim in casibus natura tacitè sæpè & faustè eò magis operatur, quò blandioribus adjuncta topicis, minus cogitur, & propriis viribus permittitur. Inde sæpe videre fuit laminas osseas è locis omni arti & artificio impervius, quasi Deum ex machinâ sese ex improvviso prodere, ex altioribus ossium compagibus, ex interioribus faciei, carpi, tarsi, &c. latebris, & symptomatibus diris illicò finem facere. Et posthàc quisquam ausit Exfoliationem ossium: quæ nihil quicquam vitii contraxerint, idè tantum proponere, quia obiter tantum aëris contactum, recenti vulnere, experta fuerint.

I I I.

UT fibrarum carnearum sic & ossium fibrarum vitium non est unicum. Ossis scorbuto mollescere viminis instar notum est lippis & tonforibus. Carie longâ exesa frangi, haud secus ac vitrum, scorbutica lues seu venerea, causa est non infrequens. Oblita prioris formæ turpiter & ridiculè in infueta mille, sus deque contorqueri figuras, Rachitidis ludus haud insolens. Fæda protuberantium exostoseos familia, poenitendæ siphilidis aut scrophularum infausta progenies. Verum è longinquo trahunt natales diversa hæc symptomata; nec, fungorum more nata, æconomiam humanam lacescunt ex improvviso. Qui igitur in ossibus recenti vulnere nudatis, sic conspecto tenus aëre nascerentur, hostes repentini? Certè longioris moræ opus est ossis nudati alteratio, nec tam brevi tempore tantum vitii contrahere potest, ut amandationem illius natura moliat, aut repositat ab arte.

I V.

AT, inquires, ossa possunt rumpi transversa, secundum longitudinem fissa dehiscere, directè aut obliquè cædi, dissilire in fragmenta, collidi, deprimi, contundi, nudata aliquamdiu exsiccati, imò livere. Hæc sunt propria recentium vulnorum symptomata! Sunto. Hic amplius procurandæ Exfoliationi locus! Nullus. Vis partibus consule, demortuas & avulsas ocyus abige, dubias aut sinceræ citò citius obtege. Ossa quidem transversim rupta aut in longum fissa ac dehiscentia vulnus faciunt complicatum. At semi-rupta transversim, quid impedit quominus lapsu temporis, quiete, & otio (ut rupta solent) coalescant? Si dehiscant quid tunc Exfoliatio? Præstantiori auxilio opus est. Tunc aliis suprà fissuræ initia ressecandum est membrum. Damno partis salvum fac caput hominis. Fragmina obvia tolle: latentia ne quæras male sollicitus. Moræ usuram reddet cum temore prudens expectatio. Ossa si graviter collisa, aliò te converte: Si leviter, cave ab Exfoliatione. Majas ab arte quàm à morbo periculum. Depressiorem in Diploicis ossibus curant puncturæ & aliz artes. In omnibus natura totum opus sæpè sola conficit. Ossium

æserum directæ aut obliquè ut carniū coalitio ipsius ejusdem juris cur non esset ? Quid si tantummodò liveant, propter tardiorē aliquot horarū morā, seriorēque curationē ab inflicto vulnere, idcirco corrupta judicabis ? *Æternæ trades Exfoliationis operæ* ? Absit; nimium ne crede colori. Non adeo celeriter, non tam citò corruptantur ossa. Dandum naturæ plurimum: temporī dandum non minus. Sedulo convenientibus, ut artis est, obtege. Diei consilium dabit dies. Reducta super vulnus cutis divulsa Balsamum præpotens afferet. Deficientem supplebit pluma: ceolus spiritu vini imbutus aut siccus: nudæ soli ossis parti applicitus, superimpositis levioribus Balsamicis; non neglectis, pro re natâ, circum fomentis emollientibus, resolventibus, spirituos; minis adhuc omisissis diætâ, sanguinis missione, quiete, & congruo victus regimine. Sic reviviscet quæ livorem à conspecto duxit aère pars ossæ. Non sic, non sic putrescunt illic, recenti vulnere, nudata ossa. Testes appello, quotquot non hæc in urbe solâ, sed in toto orbe, Chirurghi nomen merentur. Quoties in complicatis vulneribus cum fracturâ ruptis ossis extrema in conspectum venire, nihil antiquius habuerunt quàm illa simul componere, in locum reducere. Natura cætera præstitit sola. A simili, in opérationibus Bubonocæles, quid vulgatus quàm intestinum lividum ac poenè sphacelo sideratum reponere ? Quid & iners illud ac merè passivum viscus Epiploon quoties aspectu foedum, melius abscondendum, attamen quale erat remissum in proprias sedes revaluit ? Utrobiquè cum successu. Iterum, iterum non sic corruptantur ossa, aère conspecto. Non tam citò quid vitii contrahere valent, ut illorum imminutionem natura moliatur per se aut idè artis opem imploret.

V.

AE R' plagis infectis ! fateamur. Lædit fibras carneas, lædit ossæ iridem. Nocet succis utrobiquè contentis. Hi accescunt facili: illas intercepto liquorū circuitu in putredinem pronas, si pateant aëri, jam jam exolet sphacelus aut caries ! Acido illo universali ac primigenio quo turget aër nihil exitiosius ! Ominosa verba & grandia. Exitiosum plagis aërem puto. At non ita quī valeat tam brevi temporis spatio omnia pessumdare. Ac ut fileam mutila diversa animalium, volatiliū terrestriumque genera, quorum ossa & carnes benigna omnium parens natura & callo & optimâ cicatrice obduxit, frustrâ reluctante acido illo deleterio aëre; experientiam tantum humanam invocare liceat. Dum Chirurghi veteres os quodcumque plus minus nudatum: volebant exfoliatione multare, quot menses dicam aut annos oportuit, antequam ossis exteriorem eamque levem bracteam potuerint obtinere ? Nullibi igitur gentium exfoliationi erit locus ? Parce verbis, iisque contumeliosis. Unam postulas, duplicem concedimus. Una crustam dimittit; altera insensilis, resolutione, ac oculis fallente exudatione, aut, si vis, interdum suppuratione evanescit. In priori ad instar fibrarum carnearum sphacelo obductarum, in quibus vivens & vegeta pars succo laudabili turgida exsuccam marcidamque spontè dimittit partem demortuam, pars ossæ sana ac vivida & succo plena ultrò depellit fibræ partem ossæ exsuccam, detritam, aridam & succo alibili imperviam. Sic, ut carnis vivæ à demortuâ, sit & ossis viventis ab exsucco cortice necessaria & mechanica separatio. Carnes omnes lividæ non idè conclamatæ habentur. Trans vasa pellucida pervidetur succus interior jam putrescens. Calore leni, Balsamicis, &c. priori redditur fluiditati: oscillant libere jam solida illæsa; redit vigor. Cum fibris ossis ne credas iniquis egisse naturam. Jurares perditas. Levi & insensili perpiratione, resolutione, (si vis suppuratione,) vidi salvas sanasque fieri. Nisi proximâ & quâ nihil propius maximè proximâ desquamatione, oculis ægras partes contege. Cicatrix dubia pro apparatu curationis saluberrimo habeatur, si consue-

crustæ aut fragmenti ossis non ante menses exitum esse sperandum. Non infelicius occultè operabitur natura quàm in aprico, imò minùs operosè & celerius tunc viam sibi parabit, quàm prout arceat hostem & foràs amandet. Si crustam; vulgò per medias ipsas carnes, per mediam cutem, quam scièt elegantius perforare quàm faceret Chirurgus peritissimus, nullo ferè superflite relicto cicatricis vestigio. Si resolutione; per vias intestinales, urinarias, circuitus sanguinei mediante operà. Quasi novum esset in hisce casibus apud Medicos encoemata & hypostases urinarum, aliaque excrementa *judicatoria* observasse. Pronuntiare igitur ne dubites,

Non, ergò recenti vulnere nudatis ossibus, Exfoliatio.

DOMINI DOCTORES DISPUTATURI.

M. Ludovicus DESEOIS DE
ROCHEFORT, Eques, Cen-
sor Regius, & Regiâ Societate
Medicâ Parisiensi pro Epide-
miis institutâ.

Henricus - Joannes
BAGET, aclûs
Præses.

M. Michael - Josephus MA-
JAULT, antiquus Regis
Exercituum in Germaniâ
Medicus.

M. Joannes-Francisc. - Achil-
les DE LA LOUETTE,
Eques, & Regiâ Societate
Medicâ Parisiensi pro Epi-
demiis institutâ.

M. Carolus - Jacobus
SAILLANT, & Re-
giâ Societate Medicâ
pro Epidemiis insti-
tutâ.

M. Gaspardus COCHON
DU PUY, Regii ordinis
Eques, Regis Consiliarius,
& in Arce Maritimâ Rupi-
fortis, Anatomes & Chirur-
gie Professor Regius.

M. Josephus COTTON.

M. Theobaldus
NIZON.

M. Jacobus - Albertus
HAZON.

Proponebat Parisiis JOANNES - BAPTISTA - CLAUDIUS JEANNET DES
LONGROIS, Arcyanus apud Tricassinos, Saluberrimæ Facultatis Medicinæ
Parisiensis Baccalaureus Medicus. A. R. S. H. 1778.

A SEXTA AD MERIDIEM.